

4

ZAKON
O IZVRŠAVANJU BUDŽETA
SREDNJOBOSANSKOG KANTONA
ZA 2024. GODINU

DIO PRVI – OPĆE ODREDBE

Član 1.

(Predmet Zakona)

Ovim Zakonom uređuje se struktura prihoda i primitaka te rashoda i izdataka Budžeta Srednjobosanskog kantona za 2024. godinu (u daljnjem tekstu: Budžet) i njegovo izvršavanje, prioriteti plaćanja, obim zaduživanja i izdavanje garancija, upravljanje dugom te finansijskom i nefinansijskom imovinom, prava i obaveze budžetskih korisnika, ovlaštenja Vlade Srednjobosanskog kantona (u daljnjem tekstu: Vlada Kantona), Ministarstva finansija Srednjobosanskog kantona (u daljnjem tekstu: Ministarstvo finansija) i ministra finansija Srednjobosanskog kantona (u daljnjem tekstu: ministar finansija) u izvršavanju Budžeta za tekuću godinu, kao i kazne za neispunjenje obaveza te ostala pitanja u izvršavanju Budžeta.

Član 2.

(Sadržaj Budžeta)

(1) Budžet se sastoji od Općega dijela i Posebnoga dijela te Pregleda višegodišnjih kapitalnih ulaganja.

(2) Opći dio Budžeta čine Račun prihoda i rashoda, Račun kapitalnih primitaka i izdataka te Račun finansiranja na nivou ukupnoga Budžeta.

(3) Posebni dio Budžeta sastoji se od plana rashoda i izdataka budžetskih korisnika, iskazanih po ekonomskoj, funkcionalnoj i klasifikaciji prema izvorima finansiranja.

(4) Pregled višegodišnjih kapitalnih ulaganja, iz programa javnih investicija, prikazuje ukupnu vrijednost ulaganja po godinama i po svim izvorima finansiranja.

Član 3.

(Sadržaj Računa prihoda i rashoda,
Računa kapitalnih primitaka i izdataka,
i Računa finansiranja)

(1) Račun prihoda i rashoda Budžeta čine:

a) P r i h o d i

- 1) porezi,
 - 2) takse,
 - 3) naknade,
 - 4) doprinosi,
 - 5) kazne,
 - 6) ostali javni prihodi,
 - 7) transferi,
 - 8) donacije;
- b) R a s h o d i

- 1) plaće i naknade troškova zaposlenika,
- 2) doprinosi poslodavca i drugi doprinosi,
- 3) izdaci za materijal, sitni inventar i usluge,
- 4) tekući transferi i drugi tekući rashodi,
- 5) kapitalni transferi,
- 6) izdaci za kamate.

(2) Račun kapitalnih primitaka i izdataka Budžeta čine:

a) P r i m i c i

- 1) primici od prodaje nefinansijske imovine,
- b) I z d a c i

- 1) izdaci za nabavku nefinansijske imovine,

2) izdaci na osnovu rekonstrukcije i održavanja nefinansijske imovine.

(3) Račun finansiranja Budžeta sastoji se od:

a) P r i m i t a k a

1) primici od finansijske imovine, 2) primici od zaduživanja;

b) I z d a t a k a

- 1) izdaci na osnovu danih pozajmica,

- 2) izdaci za otplate dugova,

- 3) ostali izdaci na osnovu finansijske imovine.

DIO DRUGI – IZVRŠAVANJE BUDŽETA**POGLAVLJE I. UPRAVLJANJE PRIHODIMA I RASHODIMA****Odjeljak A. Prava i obaveze budžetskih korisnika**

Član 4.

(Odgovornost budžetskih korisnika)

(1) Rukovodilac budžetskoga korisnika odgovoran je za potpunu i blagovremenu naplatu svih prihoda i primitaka iz svoje nadležnosti te za njihovu uplatu u Budžet i za korištenje svih rashoda i izdataka u skladu s namjenama.

(2) Rukovodilac budžetskoga korisnika provodi sve zakonom propisane radnje radi naplate potraživanja na osnovu ugovora ili bilo kojeg drugog potraživanja na osnovu javnih prihoda.

(3) Rukovodilac budžetskoga korisnika odgovoran je za zakonito, namjensko, efikasno i ekonomično raspolaganje budžetskim sredstvima.

Član 5.

(Korištenje aproprijacija)

(1) Odobrene aproprijacije i opterećenja istječu 31. januara sljedeće godine.

(2) Aproprijacije se mogu prenositi u sljedeću fiskalnu godinu za finansiranje kapitalnih projekata iz posebnih fondova.

(3) Aproprijacije se mogu prenositi u narednu fiskalnu godinu za finansiranje višegodišnjih kapitalnih ulaganja iz usvojenih programa javnih investicija, a koji su iskazani u tabeli Pregleda višegodišnjih kapitalnih ulaganja.

Član 6.

(Korištenje odobrenih sredstava)

Odobrena sredstva budžetski korisnik može koristiti samo za namjene koje su određene Budžetom, a u skladu sa svojim godišnjim finansijskim planom i dinamikom utvrđenom tromjesečnim i mjesečnim planovima, koje odobrava ministar finansija na osnovu plana novčanih tokova, kroz koje se projiciraju sve uplate i isplate s Jedinstvenog računa Kantonalnog trezora (u daljnjem tekstu: JRT).

Član 7.

(Plan novčanih tokova)

(1) Ministarstvo finansija nadležno je za planiranje godišnjih i tromjesečnih planova novčanih tokova, iskazanih po mjesecima, kojima se projicira priliv i odliv sredstava s JRT-a te koji su temelj za izvršavanje Budžeta.

(2) U svrhu izrade godišnjih i tromjesečnih planova novčanih tokova, Ministarstvo finansija – Sektor za Trezor (u daljnjem tekstu: Trezor) koristit će, između ostalih, i sljedeće izvore podataka:

- krajnje stanje na JRT-u za prethodni period;
- prognoze o svim prihodima na JRT-u;
- prognoze otplate duga;
- prognostiranje svih rashoda i izdataka.

Član 8.

(Operativni planovi)

(1) Na osnovu prihvaćenoga Budžeta i godišnjega plana novčanih tokova, iskazanih po mjesecima, Ministarstvo finansija dostavlja budžetskim korisnicima instrukciju za izradu prijedloga operativnih planova rashoda i izdataka.

(2) Prijedlog godišnjega operativnog plana te tromjesečnih i mjesečnih operativnih planova rashoda i izdataka budžetski korisnik dužan je dostaviti u skladu s instrukcijom Ministarstva finansija.

(3) Prijedlog operativnoga plana rashoda i izdataka budžetski korisnik dostavlja nadležnom ministarstvu na nivou razdjela organizacijske klasifikacije, koje njegov prijedlog operativnoga plana usklađuje s instrukcijom iz stava (1) ovoga člana te ga dostavlja Ministarstvu finansija.

(4) O odobrenim operativnim planovima Ministarstvo finansija izvijestit će Budžetske korisnike.

Član 9.

(Rok za dostavu prijedloga operativnih planova)

(1) Prijedlog tromjesečnoga operativnog plana izvršenja Budžeta budžetski korisnik dužan je dostaviti Ministarstvu finansija 15 dana prije početka tromjesečja.

(2) Prijedlog mjesečnoga operativnog plana za sljedeći mjesec, po budžetskim pozicijama utvrđenim u Budžetu za budžetskoga korisnika, budžetski korisnik dužan je dostaviti Ministarstvu finansija do 25. u tekućem mjesecu.

(3) Ako budžetski korisnik Ministarstvu finansija ne podnese prijedlog mjesečnoga operativnog plana u roku iz stava (2) ovoga člana, mjesečni operativni plan za tog budžetskoga korisnika utvrđuje Ministarstvo finansija.

(4) Izuzetno, ako Budžet nije objavljen u „Službenim novinama Srednjobosanskog kantona“, rokove iz stavova (1)

i (2) ovoga člana utvrdit će Ministarstvo finansija svojom instrukcijom, nakon što Skupština Srednjobosanskog kantona (u daljnjem tekstu: Skupština Kantona) donese Budžet.

Član 10.

(Korištenje odobrenih operativnih sredstava)

(1) Budžetski korisnik ne smije stvarati obaveze iznad iznosa odobrenog operativnog plana izvršenja Budžeta.

(2) Rashodi i izdaci svakog budžetskog korisnika ne mogu prelaziti iznose alociranih budžetskih sredstava odobrenih za svaki mjesec ili drugi period koji je utvrdilo Ministarstvo finansija.

(3) Ministar finansija ima pravo rješenjem obustaviti od izvršenja odluku koja je u suprotnosti sa Zakonom o budžetima u Federaciji Bosne i Hercegovine i ovim Zakonom.

(4) Korisnik doznačenog transfera dužan je dostaviti resornom ministarstvu izvještaj o namjenskom utrošku sredstava.

(5) Ako korisnik iz stava (4) ovoga člana ne dostavi izvještaj o namjenskom utrošku sredstava, neće imati pravo na apliciranje za dodjelu sredstava u sljedećoj fiskalnoj godini.

Član 11.

(Izvršavanje Budžeta po prioritetima)

Budžet se izvršava po sljedećim prioritetima:

- otplata kamata te otplata unutrašnjeg i vanjskog duga;
- plaće i naknade troškova zaposlenika;
- transferi za zdravstvene i socijalne potrebe;
- izdaci za materijal i usluge;
- ostali tekući transferi;
- kapitalni transferi;
- izdaci za nabavku stalnih sredstava;
- ostalo.

Član 12.

(Sredstva Tekuće rezerve)

(1) Sredstva Tekuće rezerve planirana u Budžetu koriste se za nepredviđene namjene za koje u Budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju Budžeta nije bilo moguće predvidjeti, te u drugim slučajevima kada o tome odluči Vlada Kantona.

(2) Budžetska izdvajanja za Tekuću rezervu ne smiju prijeći 3% planiranih prihoda, bez namjenskih prihoda, vlastitih prihoda i bez primitaka.

Član 13.

(Korištenje sredstava Tekuće rezerve)

(1) O raspodjeli sredstava Tekuće rezerve Budžeta, odlučuje Vlada Kantona nakon dobivanja mišljenja Ministarstva finansija.

(2) Odluka iz stava (1) ovoga člana objavljuje se u „Službenim novinama Srednjobosanskog kantona“.

(3) Premijer Srednjobosanskog kantona (u daljnjem tekstu: premijer Kantona) može raspolagati sredstvima

Tekuće rezerve Budžeta u iznosu do 252 000,00 KM.

(4) Ministar finansija može raspolagati sredstvima Tekuće rezerve Budžeta u iznosu do 198 000,00 KM.

(5) O raspolaganju sredstvima Tekuće rezerve Budžeta iz stavova (3) i (4) ovoga člana donosi se odluka.

(6) O korištenju sredstava Tekuće rezerve, Ministarstvo finansija obavezano je tromjesečno izvještavati Vladu Kantona, a Vlada Kantona polugodišnje izvještava Skupštinu Kantona.

Član 14.

(Prijenos neutrošenih sredstava u Tekuću rezervu)

Ako se tokom godine na osnovu propisa smanji nadležnost budžetskoga korisnika, zbog čega se smanjuju i sredstva, ili ako se budžetskoga korisnika ukine, neutrošena sredstva utvrđena za njegove rashode i izdatke prenose se u Tekuću rezervu Budžeta ili budžetskom korisniku koji preuzme njegove poslove, o čemu odluku donosi Vlada Kantona.

Odjeljak B. Korištenje prihoda, preraspodjela sredstava i platne transakcije

Član 15.

(Uplata javnih prihoda)

Svi javni prihodi koji pripadaju Budžetu obavezno se uplaćuju na JRT, koji je pod isključivom nadležnošću Ministarstva finansija, u skladu sa Zakonom o trezoru u Federaciji Bosne i Hercegovine.

Član 16.

(Povrat javnih prihoda)

(1) Ako se naknadno utvrdi daje isplata iz Budžeta obavljena nezakonito ili nenamjenski, budžetski korisnik dužan je odmah zahtijevati povrat budžetskih sredstava.

(2) Ako se nadzorom utvrdi da su sredstva korištena suprotno zakonu, ministar finansija donosi rješenje o povratu sredstava na JRT.

(3) Pogrešno ili više uplaćeni prihod u Budžet vraća se uplatiocu na osnovu rješenja koje donosi Ministarstvo finansija u skladu s Pravilnikom o procedurama za povrat više ili pogrešno uplaćenih javnih prihoda s Jedinstvenog računa Kantonalnog trezora.

Član 17.

(Platne transakcije)

(1) Javni prihodi Budžeta prikupljaju se preko računa javnih prihoda (depozitnoga računa Budžeta).

(2) Platne transakcije obavljaju se preko transakcijskih računa koji su sastavni dio JRT-a, a otvara ih Ministarstvo finansija na osnovu odluke Vlade Kantona.

(3) Potpisnici su naloga za platne transakcije preko računa iz stavova (1) i (2) ovoga člana predsjednik Vlade Kantona, ministar finansija i lice koje, na prijedlog ministra finansija, ovlasti Vlada Kantona.

Član 18.

(Vlastiti prihodi, donacije, transferi, namjenski prihodi i primici)

(1) Vlastiti prihodi, donacije, transferi i namjenski prihodi uplaćuju se na depozitni račun Budžeta i evidentiraju se u Glavnoj knjizi Trezora kao prihod svakog budžetskog korisnika.

(2) Primici se uplaćuju na transakcijski račun Budžeta.

(3) Ako su vlastiti prihodi, donacije, transferi i namjenski prihodi uplaćeni u nižem obimu nego što je iskazano u Budžetu, budžetski korisnik može preuzeti i plaćati obaveze samo u visini stvarno uplaćenih, odnosno raspoloživih sredstava.

(4) Budžetski korisnik je obavezan prilikom izrade svoga prijedloga operativnoga plana izvršenja Budžeta planirati rashode koji se pokrivaju iz očekivanih vlastitih prihoda, donacija, transfera, namjenskih prihoda i primitaka.

(5) Vlastiti prihodi moraju se utrošiti do kraja fiskalne godine, a neutrošeni dio vlastitih prihoda postaje javni prihod Budžeta.

(6) Budžetski korisnici kojima je Ministarstvo finansija otvorilo podračune za prikupljanje namjenskih sredstava koja se uplaćuju na depozitni račun Budžeta, u skladu s Pravilnikom o načinu uplate, pripadnosti i raspodjeli javnih prihoda u Federaciji Bosne i Hercegovine, u svome finansijskom planu planiraju prihode i rashode, odnosno primitke i izdatke za podračun, s tim da su ukupni prihodi / primici jednaki ukupnim rashodima / izdacima tokom fiskalne godine.

(7) Namjenska sredstva raspoređuju se i koriste za namjene utvrđene posebnim propisima. Izuzetno, u svrhu održavanja tekuće likvidnosti i otplate duga, na osnovu odluke Vlade Kantona, tokom 2024. godine privremeno se mogu prenositi sredstva s posebnih / namjenskih transakcijskih računa na transakcijski račun Ministarstva finansija u okviru JRT-a, a do iznosa koji ne ugrožava servisiranje redovnih obaveza proisteklih iz posebnih propisa.

(8) Ako se tokom izvršavanja Budžeta budu privremeno prenosila sredstva s posebnih računa iz stava (7) ovoga člana, povrat tih sredstava mora se obaviti najkasnije do 31. decembra 2024. godine, a u slučaju potrebe i nepredviđenih okolnosti, do roka koji u svome zahtjevu odredi budžetski korisnik zadužen za trošenje tih sredstava.

(9) Donacije, transferi, namjenski prihodi i primici koji nisu iskorišteni u prethodnoj godini, prenose se u Budžet za tekuću budžetsku godinu, na zahtjev budžetskoga korisnika.

(10) Zahtjev za prijenos donacija, transfera, namjenskih prihoda i primitaka iz stava (9) ovoga člana podnosi se Ministarstvu finansija najkasnije do 10. februara tekuće godine.

Član 19.

(Neplanirani prihodi i donacije)

Vlastiti prihodi, donacije, transferi, namjenski prihodi i primici koji nisu planirani u Budžetu, a ostvare se tokom godine ili se ostvare u iznosu većem od planiranog u Budžetu, na prijedlog budžetskoga korisnika, unosit će se te raspoređivati odlukom Vlade Kantona te postaju sastavni dio Budžeta, a odluka će se objaviti u „Službenim novinama

Srednjobosanskog kantona“.

Član 20.

(Preraspodjela sredstava)

(1) Preraspodjela sredstava između budžetskih korisnika, u visini do 10% odobrenoga Budžeta, izuzetno je dopuštena, o čemu odlučuje Vlada Kantona na prijedlog Ministarstva finansija.

(2) Ministarstvo finansija može, na obrazloženi zahtjev budžetskoga korisnika, jedanput tromjesečno donijeti rješenje o preraspodjeli rashoda i izdataka budžetskoga korisnika, a najviše do 10% ukupno odobrenih rashoda i izdataka za toga budžetskoga korisnika na godišnjem nivou.

(3) U okviru odobrenoga Budžeta utvrđuju se obim i vrsta rashoda i izdataka za preraspodjelu, u okvirima kako slijedi:

a) plaće i naknade troškova zaposlenika, u odnosu na ugovorene i druge usluge 17. razdjela, glave 02 i 03 – do 10% ukupno odobrenih izdataka;

b) izdaci za materijal, sitni inventar i usluge – do 10% ukupno odobrenih izdataka;

c) tekući transferi i drugi tekući rashodi – do 10% ukupno odobrenih izdataka;

d) kapitalni transferi – do 10% ukupno odobrenih izdataka;

e) izdaci za nabavku stalnih sredstava – do 10% ukupno odobrenih izdataka.

(4) Zahtjev za preraspodjelu iz stava (2) ovoga člana mora sadržavati obrazloženje, kojim se daju na uvid razlozi za dodatnim sredstvima, odnosno mogućnosti za umanjeње sredstava na budžetskoj poziciji, te odgovarajuću dokumentaciju kojom se potkrepljuju razlozi za dodatnim sredstvima.

Odjeljak C. Plaće i naknade

Član 21.

(Sredstva za plaće i naknade)

(1) Sredstva za plaće i naknade osiguravaju se budžetskim korisnicima na osnovu zakona i drugih propisa kojima su uređene plaće i naknade, a isplaćivat će se do visine sredstava planiranih u Budžetu za te namjene.

(2) Za obračunavanje plaće budžetskih korisnika kojima se plaće uređuju Zakonom o plaćama i naknadama u organima vlasti Srednjobosanskog kantona i Zakonom o plaćama i naknadama policijskih službenika Srednjobosanskog kantona, utvrđuje se osnovica u iznosu od 385,00 KM i bod za obračun plaće u visini 1, a plaće nosioca pravosudnih dužnosti obračunavaju se prema Zakonu o plaćama i drugim naknadama sudaca i tužilaca u Federaciji Bosne i Hercegovine.

(3) Osnovica za obračun plaća utvrđuje se u iznosu propisanom u stavu (2) ovog člana za ostale budžetske korisnike, u skladu s potpisanim kolektivnim ugovorima sklopljenim između Vlade Kantona i sindikata, te sporazumima o osnovici za obračun plaća potpisanim

između Vlade Kantona i sindikata, kao i drugim važećim propisima kojima se regulišu plaće budžetskih korisnika Kantona.

(4) Dokaz o zasnivanju (rješenje o postavljenju i/ili ugovor o radu) i o prestanku radnoga odnosa zaposlenika (rješenje o razrješenju i/ili raskidu ugovora o radu) budžetski korisnik dužan je dostaviti Ministarstvu finansija u roku od osam dana od dana zasnivanja, odnosno prestanka radnoga odnosa, kao i rješenje o plaći i rješenje o prekovremenom radu, do kraja tekućeg mjeseca.

(5) Platne razrede i koeficijente utvrđene u rješenjima o plaći iz stava (4) ovog člana kontrolirat će Glavni operativni centar (GOC).

(6) Prekovremeni rad zaposlenika može trajati najviše osam sati sedmično, o čemu odlučuje rukovodilac rješenjem.

(7) Ako se u roku iz stava (4) ovoga člana rješenje ne dostavi, Ministarstvo finansija neće zaposleniku obračunati plaće i naknade.

(8) Naknade za ugovorene usluge za rad u komisijama, grupama, savjetima, timovima i drugo, planirane na budžetskim pozicijama tekući izdaci izvršavat će se u skladu s Odlukom o načinu osnivanja radnih tijela i komisija koje osniva Vlada Srednjobosanskog kantona i rukovodioci kantonalnih organa državne službe te o utvrđivanju iznosa naknade za rad u komisijama.

Član 22.

(Službena putovanja)

Iznos dnevnice te naknade za ostale troškove koji nastanu u vezi sa službenim putovanjem za sve budžetske korisnike određuju se na osnovu Uredbe o naknadama troškova za službena putovanja Srednjobosanskog kantona.

Član 23.

(Obavezno osiguranje)

Sredstva za obavezno osiguranje budžetskim korisnicima osiguravaju se u skladu s Zakonom o osiguranju Federacije Bosne i Hercegovine.

Odjeljak D. Korištenje budžetskih sredstava

Član 24.

(Nabavka robe, radova i usluga)

(1) Roba, radovi i usluge nabavljaju se u skladu sa Zakonom o javnim nabavkama Bosne i Hercegovine, kao i procedurama i postupcima propisanim podzakonskim aktima.

(2) Sredstva utvrđena za budžetsku poziciju „Izdaci za nabavku stalnih sredstava“ čija je vrijednost veća od 2.000,00 KM, bez PDV-a, budžetski korisnik koristi isključivo na osnovu mišljenja Ministarstva finansija i saglasnosti Vlade Kantona, koje pribavlja prije pokretanja procedure javne nabavke.

(3) Prilikom izvršavanja sredstava s budžetske pozicije „Izdaci za nabavku stalnih sredstava“ obavezno se pribavlja odluka o izdvajanju sredstava, koju donosi Vlada Kantona

na prijedlog budžetskoga korisnika koji nabavlja stalno sredstvo, nakon provedene procedure javne nabavke.

Član 25.

(Korištenje sredstava s 10. razdjela Budžeta)

(1) Sredstva utvrđena za 10. razdjel Budžeta, pozicije „Tekući transferi neprofitnim organizacijama – Hrvatskoj demokratskoj zajednici Bosne i Hercegovine, Hrvatskoj seljačkoj stranci, Hrvatskoj kršćanskoj demokratskoj uniji Bosne i Hercegovine, Hrvatskoj stranci prava Bosne i Hercegovine, Hrvatskoj stranci prava dr. Ante Starčevića Bosne i Hercegovine, Hrvatskoj demokratskoj uniji Bosne i Hercegovine, Hrast, „Tekući transferi neprofitnim organizacijama – Stranci demokratske akcije“, „Tekući transferi neprofitnim organizacijama – Socijaldemokratskoj partiji Bosne i Hercegovine“, „Tekući transferi neprofitnim organizacijama – Demokratskoj fronti-Željko Komšić za građansku državu“, „Tekući transferi neprofitnim organizacijama – Hrvatskom pokretu za Središnju Bosnu HDZ-u 1990 – HSP HB BiH“, „Tekući transferi neprofitnim organizacijama – Narod i pravda“ i „Tekući transferi neprofitnim organizacijama – Hrvatskoj seljačkoj stranci Stjepana Radića“ raspoređuje Vlada Kantona u skladu sa zakonskim propisima i drugim aktima koji uređuju tu oblast, na osnovu prijedloga predsjedavajućeg Skupštine Kantona i zamjenika predsjedavajućeg Skupštine Kantona.

(2) Sredstva utvrđena za isti razdjel Budžeta, pozicije „Tekući transferi drugim nivoima vlasti i fondovima“, „Tekući transferi pojedincima“ i „Tekući transferi neprofitnim organizacijama“ koriste se prema programima koje odobri Vlada Kantona na prijedlog predsjedavajućeg Skupštine Kantona i zamjenika predsjedavajućeg Skupštine Kantona.

(3) Sredstva utvrđena za programe iz stava (2) ovoga člana izdvajaju se i raspoređuju odlukama predsjedavajućeg Skupštine Kantona i zamjenika predsjedavajućeg Skupštine Kantona.

Član 26.

(Korištenje sredstava s 11. razdjela Budžeta)

(1) Sredstva utvrđena za 11. razdjel Budžeta, glava 02, člana 5. Budžeta, budžetsku poziciju „Tekući transferi drugim nivoima vlasti i fondovima – sufinansiranje i podrška radu Agencije za privatizaciju u Srednjobosanskom kantonu“ koriste se na osnovu odluke Vlade Kantona, na prijedlog Stručne službe Vlade Srednjobosanskog kantona.

(2) Sredstva utvrđena za 11. razdjel, glava 03, člana 5. Budžeta, budžetsku poziciju

„Kapitalni transferi drugim nivoima vlasti i fondovima – sufinansiranje projekata važnih za Srednjobosanski kanton“ koriste se na osnovu programa koji odobri Vlada Kantona, a raspoređuje se odlukom Vlade Kantona, na prijedlog Službe za zajedničke poslove organa Srednjobosanskog kantona.

Član 27.

(Korištenje sredstava s 13. razdjela Budžeta)

(1) Sredstva utvrđena za 13. razdjel člana 5. Budžeta, budžetske pozicije „Subvencije javnim preduzećima

kazneno-popravnim ustanovama – pritvoru“ i „Subvencije javnim preduzećima – za izvršenje sigurnosne mjere obavezno psihijatrijsko liječenje“ koriste se na osnovu ugovora s kazneno-popravnim ustanovama i Sporazuma o smještaju i naknadi troškova za izvršenje sigurnosnih mjera izrečenih u kaznenom postupku i drugom postupku u kojem se izriče mjera liječenja, sklopljenog s Javnom zdravstvenom ustanovom Zavod za forenzičku psihijatriju, Sokolac, te na osnovu Zakona o kaznenom postupku Federacije Bosne i Hercegovine, preko računa koji odobri Ministarstvo pravosuđa i uprave.

(2) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za sufinansiranje stručnog usavršavanja“ koriste se na osnovu Sporazuma o međusobnim pravima i obavezama u implementaciji Zakona o državnoj službi.

Član 28.

(Korištenje sredstava s 14. razdjela Budžeta)

(1) Sredstva utvrđena za 14. razdjel člana 5. Budžeta, poziciju „Tekući transferi drugim nivoima vlasti i fondovima – potpora Općini Dobretići“ (za otplatu unutrašnjeg i vanjskog duga, brutoplaće i naknade zaposlenika, troškove za materijal, inventar i usluge, za tekuće transfere i druge tekuće rashode te za kapitalne transfere i kapitalne rashode), koriste se na osnovu odluke Vlade Kantona, na prijedlog Ministarstva finansija.

(2) Sredstva utvrđena za isti razdjel Budžeta, poziciju „Drugi tekući rashodi – povrat više ili pogrešno uplaćenih sredstava iz prethodnih godina“ koriste se na osnovu rješenja Ministarstva finansija.

(3) Sredstva utvrđena za isti razdjel Budžeta, poziciju „Drugi tekući rashodi – podmirenje obaveza prema izvršnim sudskim odlukama“ koriste se na osnovu odluke Vlade Kantona, na prijedlog Ministarstva finansija.

Član 29.

(Korištenje sredstava s 15. razdjela Budžeta)

(1) Sredstva utvrđena za 15. razdjel člana 5. Budžeta, pozicije „Tekući transferi drugim nivoima vlasti i fondovima – poticaji privredi“, „Subvencije privatnim preduzećima i poduzetnicima – poticaji privredi (potpora preduzećima u završetku implementacije međunarodno priznatih standarda i kvaliteta)“ i „Subvencije privatnim preduzećima i poduzetnicima – poticaji privredi“ koriste se na osnovu programa koji odobri Vlada Kantona na prijedlog Ministarstva privrede (u daljnjem tekstu: resorno ministarstvo).

(2) Sredstva utvrđena za isti razdjel Budžeta, poziciju „Subvencije privatnim preduzećima i poduzetnicima – za sudjelovanje na sajmovima i izložbama“ koriste se na osnovu programa koji odobri Vlada Kantona na prijedlog resornog ministarstva.

(3) Sredstva utvrđena za isti razdjel Budžeta, poziciju „Subvencije privatnim preduzećima i poduzetnicima – potpora skijalištima i razvoju turizma“ koriste se na osnovu programa koji odobri Vlada Kantona na prijedlog resornog ministarstva.

(4) Sredstva utvrđena za isti razdjel Budžeta, poziciju „Tekući transferi neprofitnim organizacijama – Regionalnoj ekonomskoj zajednici“ koriste se na osnovu programa koji odobri Vlada Kantona na prijedlog resornog ministarstva.

(5) Sredstva utvrđena za isti razdjel Budžeta, pozicije „Ugovorene i druge posebne usluge Ekonomsko-socijalnom vijeću za područje Srednjobosanskog kantona“, „Subvencije privatnim preduzećima i poduzetnicima – za prekvalifikaciju i dokvalifikaciju nezaposlenih lica i edukaciju u oblasti deficitarnih zanimanja“ i „Tekući transferi neprofitnim organizacijama“ koriste se na osnovu programa koji odobri Vlada Kantona na prijedlog resornog ministarstva.

(6) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za javno-privatno partnerstvo“ i „Tekući transferi drugim nivoima vlasti i fondovima – potpora razvoju poduzetničkih zona“ koriste se na osnovu programa koji odobri Vlada Kantona na prijedlog resornog ministarstva.

(7) Sredstva utvrđena za isti razdjel Budžeta, poziciju „Subvencije privatnim preduzećima i poduzetnicima – potpora razvoju poduzetništva i pokretanju novih *start-up* kompanija“ koriste se na osnovu programa koji odobri Vlada Kantona na prijedlog resornog ministarstva.

(8) Sredstva utvrđena za isti razdjel Budžeta, pozicije „Tekući transferi drugim nivoima vlasti i fondovima potpora unapređenju saobraćaja“, „Tekući transferi neprofitnim organizacijama potpora unapređenju saobraćaja“ i „Subvencije privatnim preduzećima i poduzetnicima – potpora unapređenju saobraćaja“ koriste se na osnovu programa koji odobri Vlada Kantona na prijedlog resornog ministarstva.

(9) Sredstva utvrđena za isti razdjel Budžeta, pozicije „Tekući transferi drugim nivoima vlasti i fondovima – sufinansiranje projekata zaštite i unapređenja okoliša te razvojnih projekata“ i „Tekući transferi neprofitnim organizacijama – sufinansiranje projekata zaštite i unapređenja okoliša te razvojnih projekata“ koriste se na osnovu Zakona o koncesijama te programa koji odobri Vlada Kantona na prijedlog resornog ministarstva.

(10) Sredstva utvrđena za isti razdjel Budžeta, poziciju „Subvencije privatnim preduzećima i poduzetnicima – sufinansiranje geoloških radova na istraživanju mineralnih sirovina“ koriste se na temelju Zakona o koncesijama te programa koji odobri Vlada Kantona na prijedlog resornog ministarstva.

(11) Sredstva utvrđena za isti razdjel Budžeta, poziciju „Subvencije privatnim preduzećima i poduzetnicima – u području obnovljivih izvora energije – fotonaponske elektrane“ koriste se na osnovu programa koji odobri Vlada Kantona na prijedlog resornog ministarstva.

(12) Sredstva utvrđena za isti razdjel Budžeta, poziciju „Subvencije javnim preduzećima – poticaji privredi za povećanje konkurentnosti“ koriste se na osnovu programa koje odobri Vlada Kantona na prijedlog resornog ministarstva.

(13) Sredstva utvrđena za isti razdjel Budžeta, poziciju „Subvencije privatnim preduzećima i poduzetnicima – za projekte podrške stranim investicijama i zapošljavanju

radnika koji se nalaze na privremenom radu u inostranstvu“ koriste se na osnovu programa koje odobri Vlada Kantona na prijedlog resornog ministarstva.

(14) Sredstva utvrđena za isti razdjel Budžeta, poziciju „Tekući transferi pojedincima – potpora pri zapošljavanju radnika povratnika iz inostranstva“ koriste se na osnovu programa koje odobri Vlada Kantona na prijedlog resornog ministarstva.

(15) Sredstva utvrđena za isti razdjel Budžeta, poziciju „Subvencije javnim preduzećima – za uvezivanje radnog staža“ koriste se na osnovu programa koje odobri Vlada Kantona na prijedlog resornog ministarstva.

(16) Sredstva utvrđena za programe iz stavova (1) do (15) ovoga člana izdvajaju se i raspoređuju odlukom Vlade Kantona, na prijedlog resornog ministarstva.

Član 30.

(Korištenje sredstava sa 16. razdjela Budžeta)

(1) Sredstva utvrđena za 16. razdjel člana 5. Budžeta, pozicije „Tekući transferi drugim nivoima vlasti i fondovima – sufinansiranje upravnih organizacija (Zavoda za javno zdravstvo Srednjobosanskog kantona)“ i „Tekući transferi drugim nivoima vlasti i fondovima – Zavodu za javno zdravstvo Srednjobosanskog kantona, za nabavku vakcina“ koriste se na osnovu odluke Vlade Kantona, na prijedlog Ministarstva zdravstva i socijalne politike (u daljnjem tekstu: resorno ministarstvo).

(2) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – Zavodu za zdravstveno osiguranje Srednjobosanskog kantona, za sufinansiranje premije (markica) socijalno ugroženim licima“, koriste se na osnovu odluke Vlade Kantona, na prijedlog resornog ministarstva.

(3) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – zdravstvenim ustanovama u Srednjobosanskom kantonu“ koriste se na osnovu programa koji odobri Vlada Kantona, a raspoređuje se Odlukom Vlade Kantona, na prijedlog resornog ministarstva.

(4) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – zdravstvenim ustanovama u Srednjobosanskom kantonu, za sufinansiranje specijalizacije medicinskog osoblja“ koriste se na osnovu odluka Vlade Kantona, na prijedlog resornog ministarstva.

(5) Sredstva utvrđena za isti razdjel Budžeta, poziciju „Tekući transferi pojedincima – za prava iz socijalne pomoći“ koriste se prema kantonalnim propisima.

(6) Sredstva utvrđena za isti razdjel Budžeta, poziciju „Tekući transferi pojedincima – socijalna zaštita“, koriste se na osnovu rješenja resornog ministarstva.

(7) Sredstva utvrđena za isti razdjel Budžeta, pozicije „Tekući transferi pojedincima – pomoć porodicama s djecom“ i „Tekući transferi pojedincima – civilnim žrtvama rata“ koriste se prema kantonalnim propisima.

(8) Sredstva utvrđena za isti razdjel Budžeta, pozicije „Tekući transferi neprofitnim organizacijama – Muslimanskom dobrotvornom društvu »Merhamet«“,

„Tekući transferi neprofitnim organizacijama – Katoličkom dobrotvornom društvu »Caritas« u Srednjobosanskom kantonu“, „Tekući transferi neprofitnim organizacijama – Srpskom kulturno-prosvjetnom i humanitarnom crkvenom društvu, Travnik“ i „Tekući transferi neprofitnim organizacijama – Crvenom križu Srednjobosanskog kantona“ koriste se na osnovu odluka Vlade Kantona, na prijedlog resornog ministarstva.

(9) Sredstva utvrđena za isti razdjel Budžeta, poziciju „Tekući transferi neprofitnim organizacijama – Udruženju penzionera Srednjobosanskog kantona“ koriste se na osnovu odluke Vlade Kantona, na prijedlog resornog ministarstva.

(10) Sredstva utvrđena za isti razdjel Budžeta, poziciju „Tekući transferi neprofitnim organizacijama – udruženjima za socijalnu pomoć“ koriste se na osnovu rješenja resornog ministarstva.

(11) Sredstva utvrđena za isti razdjel Budžeta, poziciju „Kapitalni transferi drugim nivoima vlasti i fondovima – za nabavku opreme zdravstvenim ustanovama u Srednjobosanskom kantonu“ koriste se na osnovu programa koji odobri Vlada Kantona, a raspoređuje se odlukom Vlade Kantona, na prijedlog resornog ministarstva.

(12) Sredstva utvrđena za isti razdjel Budžeta, poziciju „Kapitalni transferi drugim nivoima vlasti i fondovima – za nabavku opreme zdravstvenim ustanovama u Srednjobosanskom kantonu“ (sufinansiranje projekta Nabavka opreme i informatizacija javnog zdravstvenog sistema u Srednjobosanskom kantonu), koriste se na osnovu odluka Vlade Kantona, na prijedlog resornog ministarstva.

(13) Sredstva utvrđena za isti razdjel Budžeta, poziciju „Kapitalni transferi drugim nivoima vlasti i fondovima – centrima za socijalni rad i općinskim službama socijalne zaštite u Srednjobosanskom kantonu“ koriste se na osnovu odluka Vlade Kantona, na prijedlog resornog ministarstva.

Član 31.

(Korištenje sredstava sa 17. razdjela Budžeta)

(1) Sredstva utvrđena za 17. razdjel člana 5. Budžeta, pozicije „Tekući transferi drugim nivoima vlasti i fondovima – za kulturu“, „Tekući transferi pojedincima – za kulturu i nauku“, „Tekući transferi neprofitnim organizacijama – za kulturu“, „Subvencije javnim preduzećima / ustanovama – za kulturu“, „Subvencije privatnim preduzećima i poduzetnicima – za kulturu“, „Tekući transferi pojedincima za informisanje“, „Tekući transferi neprofitnim organizacijama – za informisanje“, „Subvencije javnim preduzećima – za informisanje“, „Tekući transferi neprofitnim organizacijama – sufinansiranje odgojno-obrazovne djelatnosti javnih škola na području Srednjobosanskog kantona kojima nije osnivač Kanton“ i „Subvencije privatnim preduzećima i poduzetnicima – za informisanje“ koriste se na osnovu programa koji odobri Vlada Kantona na prijedlog Ministarstva obrazovanja, nauke, mladih, kulture i sporta (u daljnjem tekstu: resorno ministarstvo).

(2) Sredstva utvrđena za isti razdjel Budžeta, pozicije „Tekući transferi drugim nivoima vlasti i fondovima – za sport“, „Tekući transferi pojedincima – za sport“, i „Tekući transferi neprofitnim organizacijama – za sport“ koriste se

na osnovu programa koji odobri Vlada Kantona, na prijedlog resornog ministarstva.

(3) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za školska takmičenja“ koriste se na osnovu programa koji odobri Vlada Kantona, na prijedlog resornog ministarstva.

(4) Sredstva utvrđena za programe iz stavova (1), (2) i (3) ovoga člana izdvajaju se i raspoređuju odlukom Vlade Kantona, na prijedlog resornog ministarstva.

(5) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – finansiranje visokog školstva i stipendiranje studenata“ koriste se na osnovu ugovora Vlade Kantona, na prijedlog resornog ministarstva.

(6) Sredstva utvrđena za isti razdjel Budžeta, poziciju „Tekući transferi drugim nivoima Vlasti i fondovima – sufinansiranje osnovnih muzičkih škola kojima je osnivač Srednjobosanski kanton (Osnovne glazbene škole Jakova Gotovca, Novi Travnik; Osnovne muzičke škole, Novi Travnik; Osnovne muzičke škole, Travnik; Osnovne muzičke škole, Bugojno)“ koriste se na osnovu kriterija koje utvrdi Vlada Kantona, na prijedlog resornog ministarstva.

(7) Sredstva utvrđena za isti razdjel Budžeta, poziciju „Tekući transferi drugim nivoima Vlasti i fondovima – za predškolsko obrazovanje“ koriste se na osnovu kriterija koje utvrdi Vlada Kantona na prijedlog resornog ministarstva.

(8) Sredstva utvrđena za isti razdjel Budžeta, pozicije „Tekući transferi drugim nivoima vlasti i fondovima – za socijalno osiguranje učenika“, „Tekući transferi drugim razinama vlasti i fondovima za djecu romske nacionalnosti“, „Tekući transferi drugim nivoima vlasti i fondovima – pedagoškom zavodu“, „Tekući transferi drugim nivoima vlasti i fondovima – za izradu inoviranih nastavnih planova i programa“, „Ugovorene i druge posebne usluge – za informatizaciju Ministarstva obrazovanja, nauke, mladih, kulture i sporta, i obrazovnih institucija“, „Tekući transferi neprofitnim organizacijama za informatizaciju Ministarstva obrazovanja, nauke, mladih, kulture i sporta, i obrazovnih institucija“, „Ugovorene i druge posebne usluge za stručno usavršavanje, edukaciju prosvjetnih radnika“, „Ugovorene i druge posebne usluge za izradu inoviranih nastavnih planova i programa“ i „Tekući transferi drugim nivoima vlasti i fondovima – za stručno usavršavanje, edukaciju prosvjetnih radnika“ koriste se na osnovu odluke o izdvajanju sredstava Vlade Kantona, na prijedlog resornog ministarstva.

(9) Sredstva utvrđena za isti razdjel Budžeta, pozicije „Tekući transferi pojedincima – pomoć ugroženim učenicima“, „Tekući transferi pojedincima – za djecu s posebnim potrebama“, „Tekući transferi pojedincima – za djecu romske nacionalnosti“, „Tekući transferi pojedincima – za nabavku udžbenika za učenike osnovnih škola“ koriste se na osnovu kriterija koje utvrdi Vlada Kantona na prijedlog resornog ministarstva.

(10) Sredstva utvrđena za isti razdjel Budžeta, poziciju „Ugovorene i druge posebne usluge – finansiranje troškova prijevoza učenika“ i „Tekući transferi pojedincima – finansiranje troškova prijevoza učenika“ koriste se na osnovu kriterija koje utvrdi Vlada Kantona na prijedlog resornog ministarstva.

(11) Sredstva utvrđena za isti razdjel Budžeta, glavu 02, poziciju „Tekući transferi pojedincima – subvencioniranje troškova prijevoza učenika“ koriste se na osnovu kriterija koje utvrdi Vlada Kantona na prijedlog resornog ministarstva.

(12) Sredstva utvrđena za isti razdjel Budžeta, pozicije „Tekući transferi drugim nivoima vlasti i fondovima – za mlade“, „Tekući transferi pojedincima – za mlade“, „Tekući transferi neprofitnim organizacijama – za mlade“, „Subvencije javnim preduzećima / ustanovama – za mlade“ i „Subvencijama privatnim preduzećima i poduzetnicima – za mlade“ koriste se na osnovu kriterija koje utvrdi Vlada Kantona na prijedlog resornog ministarstva.

(13) Sredstva utvrđena za isti razdjel Budžeta, pozicije „Tekući transferi pojedincima – za naučne radove“ i „Tekući transferi neprofitnim organizacijama – Hrvatskoj akademiji za znanost i umjetnost u Bosni i Hercegovini te Akademiji nauka i umjetnosti Bosne i Hercegovine, za nauku“ koriste se na osnovu kriterija koje utvrdi Vlada Kantona na prijedlog resornog ministarstva.

(14) Sredstva utvrđena za isti razdjel Budžeta, poziciju „Tekući transferi pojedincima – potpora roditeljima djece koja pohađaju vrtiće“ koriste se na osnovu kriterija koje utvrdi Vlada Kantona na prijedlog resornog ministarstva.

(15) Sredstva utvrđena za isti razdjel Budžeta, poziciju „Tekući transferi neprofitnim organizacijama – pomoć vjerskim zajednicama“ koriste se na osnovu odluke o izdvajanju sredstava Vlade Kantona, na prijedlog resornog ministarstva.

(16) Sredstva utvrđena za isti razdjel Budžeta, za pozicije „Tekući transferi drugim nivoima vlasti i fondovima – za muzejsku djelatnost“, „Tekući transferi pojedincima – za muzejsku djelatnost“, „Tekući transferi neprofitnim organizacijama – za muzejsku djelatnost“, „Subvencije javnim preduzećima – za muzejsku djelatnost“ i „Subvencije privatnim preduzećima i poduzetnicima – za muzejsku djelatnost“ koriste se u skladu sa Zakonom o muzejskoj djelatnosti i programom koji odobri Vlada Kantona na prijedlog resornog ministarstva.

(17) Sredstva za naknade troškova zaposlenika – nagrade za posebna postignuća u odgojno-obrazovnom radu izdvajaju se na osnovu pravilnika i rešenja resornog ministarstva.

(18) Sredstva utvrđena u stavovima (6), (7), (9), (10), (II), (12), (13), (14), (16) i (17) ovoga člana izdvajaju se i raspoređuju odlukama Vlade Kantona, na prijedlog resornog ministarstva.

Član 32.

(Korištenje sredstava sa 18. razdjela Budžeta)

(I) Sredstva utvrđena za 18. razdjel člana 5. Budžeta, pozicije „Tekući transferi drugim nivoima vlasti i fondovima – za izmjenu i izradu prostorno-planske dokumentacije“ i „Tekući transferi drugim nivoima vlasti i fondovima – za izradu zakona o legalizaciji bespravno izgrađenih objekata“ koriste se prema propisima i programima koje odobri Vlada Kantona na prijedlog Ministarstva prostornog uređenja, gradnje, zaštite okoliša, povratka i stambenih poslova (u daljnjem tekstu: resorno ministarstvo).

(2) Sredstva utvrđena za isti razdjel Budžeta, poziciju

„Tekući transferi neprofitnim organizacijama – za obilježavanje značajnih dana ekološkoga kalendara i potporu radu ekoloških društava“ koriste se prema propisima i programima koje odobri Vlada Kantona na prijedlog resornog ministarstva.

(3) Sredstva utvrđena za isti razdjel Budžeta, poziciju „Subvencije javnim preduzećima – za saniranje ekoloških incidenata“ koriste se prema propisima i programima koje odobri Vlada Kantona na prijedlog resornog ministarstva.

(4) Sredstva utvrđena za isti razdjel Budžeta, pozicije „Kapitalni transferi drugim nivoima vlasti i fondovima – poticaji povratku prognanika, obnovi i razvitku“, „Kapitalni transferi pojedincima – poticaji povratku prognanika, obnovi i razvitku“, „Kapitalni transferi neprofitnim organizacijama – poticaji povratku prognanika, obnovi i razvitku“, „Kapitalni transferi javnim preduzećima – poticaji povratku prognanika, obnovi i razvitku“ i „Kapitalni transferi privatnim preduzećima i poduzetnicima – poticaji povratku prognanika, obnovi i razvitku“ koriste se prema propisima i programima koje odobri Vlada Kantona na prijedlog resornog ministarstva.

(5) Sredstva utvrđena za isti razdjel Budžeta, pozicije „Kapitalni transferi drugim nivoima vlasti i fondovima – za utopljivanje zgrada, vodovod i kanalizaciju“, „Kapitalni transferi neprofitnim organizacijama – za utopljivanje zgrada, vodovod i kanalizaciju“, „Kapitalni transferi javnim preduzećima – za utopljivanje zgrada, zbrinjavanje otpada, vodovod i kanalizaciju“ i „Kapitalni transferi privatnim preduzećima i poduzetnicima – za utopljivanje zgrada, zbrinjavanje otpada, vodovod i kanalizaciju“ koriste se prema propisima i programima koje odobri Vlada Kantona na prijedlog resornog ministarstva.

(6) Sredstva utvrđena za programe iz stavova (I) do (5) ovoga člana izdvajaju se i raspoređuju odlukama Vlade Kantona, na prijedlog resornog ministarstva.

Član 33.

(Korištenje sredstava s 19. razdjela Budžeta)

(1) Sredstva utvrđena za 19. razdjel Budžeta, glavu 01, pozicije „Tekući transferi – poticaji privredi (primarnoj poljoprivrednoj proizvodnji)“, „Tekući transferi pojedincima – poticaji privredi (interventna sredstva)“, „Tekući transferi neprofitnim organizacijama – poticaji poljoprivredi (interventna sredstva)“, „Subvencije privatnim preduzećima i poduzetnicima – poticaji poljoprivredi (interventna sredstva)“ koriste se prema programu koji odobri Vlada Kantona na prijedlog Ministarstva poljoprivrede, vodoprivrede i šumarstva (u daljnjem tekstu: resorno ministarstvo).

(2) Sredstva utvrđena za isti razdjel Budžeta, pozicije „Tekući transferi pojedincima – za rekultiviranje poljoprivrednog zemljišta“, „Tekući transferi neprofitnim organizacijama – za rekultiviranje poljoprivrednog zemljišta“, „Tekući transferi neprofitnim organizacijama poticaji poljoprivredi (organizovanje sajмова i izložbi te edukacije, izdavaštvo i sl.) i „Subvencije privatnim preduzećima i poduzetnicima za rekultiviranje poljoprivrednoga zemljišta“ koriste se prema programima koje odobri Vlada Kantona na prijedlog resornog ministarstva.

(3) Sredstva utvrđena za isti razdjel Budžeta, pozicije „Tekući transferi drugim nivoima vlasti i fondovima – poticaji veterinarstvu (zakonske obaveze)“, „Tekući transferi pojedincima – poticaji veterinarstvu (zakonske obaveze)“, „Subvencije javnim preduzećima – poticaji veterinarstvu (zakonske obaveze)“ i „Subvencije privatnim preduzećima i poduzetnicima – poticaji veterinarstvu (zakonske obaveze)“ koriste se prema programima koje odobri Vlada Kantona na prijedlog resornog ministarstva.

(4) Sredstva utvrđena za isti razdjel Budžeta, pozicije „Tekući transferi neprofitnim organizacijama – poticaji vodoprivredi“, „Tekući transferi drugim nivoima vlasti i fondovima – poticaji vodoprivredi (interventna sredstva)“, „Tekući transferi pojedincima – poticaji vodoprivredi (interventna sredstva)“, „Tekući transferi neprofitnim organizacijama – poticaji vodoprivredi (interventna sredstva)“ i „Subvencije javnim preduzećima – poticaji vodoprivredi (interventna sredstva)“ koriste se prema programima koje odobri Vlada Kantona na prijedlog resornog ministarstva.

(5) Sredstva utvrđena za isti razdjel Budžeta, pozicije „Subvencije javnim preduzećima – poticaji šumarstvu, za državne šume“ i „Kapitalni transferi javnim preduzećima – poticaji šumarstvu, za državne šume“ koriste se prema programu koji odobri Vlada Kantona na prijedlog resornog ministarstva.

(6) Sredstva utvrđena za isti razdjel Budžeta, poziciju „Tekući transferi pojedincima – naknada štete koju počinji zaštićena divljač, u skladu s članom 70. federalnoga Zakona o lovstvu“ i „Subvencije privatnim preduzećima i poduzetnicima – za naknadu štete koju počinji zaštićena divljač, u skladu s članom 70. federalnoga Zakona o lovstvu“ koriste se prema odluci Vlade Kantona, na prijedlog resornog ministarstva.

(7) Sredstva utvrđena za isti razdjel Budžeta, poziciju „Tekući transferi neprofitnim organizacijama – poticaji lovstvu“ (u skladu s članom 45. federalnoga Zakona o lovstvu), koriste se prema programu koji odobri Vlada Kantona na prijedlog resornog ministarstva.

(8) Sredstva utvrđena za isti razdjel Budžeta, pozicije „Kapitalni transferi drugim nivoima vlasti i fondovima – poticaji vodoprivredi“, „Kapitalni transferi drugim nivoima vlasti i fondovima – poticaji vodoprivredi (interventna sredstva)“, „Kapitalni transferi javnim preduzećima – poticaji vodoprivredi“ i „Kapitalni transferi javnim preduzećima – poticaji vodoprivredi (interventna sredstva)“ koriste se na osnovu programa koji odobri Vlada Kantona na prijedlog resornog ministarstva.

(9) Sredstva utvrđena za 19. razdjel, glavu 02, člana 5. Budžeta, pozicije „Tekući transferi neprofitnim organizacijama – poticaji šumarstvu“, „Subvencije javnim preduzećima – poticaji šumarstvu, za državne šume“ i „Subvencije privatnim preduzećima i poduzetnicima – poticaji šumarstvu, za privatne šume“ koriste se na osnovu programa koji odobri Vlada Kantona na prijedlog resornog ministarstva.

(10) Sredstva utvrđena za isti razdjel Budžeta, glavu 02, pozicije „Kapitalni transferi javnim preduzećima – poticaji šumarstvu, za državne šume“ i „Kapitalni transferi privatnim

preduzećima i poduzetnicima – poticaji šumarstvu, za privatne šume“ koriste se na osnovu programa koji odobri Vlada Kantona na prijedlog resornog ministarstva.

(11) Sredstva utvrđena za programe iz stavova (1), (2), (3), (4), (5), (7), (8), (9) i (10) ovoga člana izdvajaju se i raspoređuju odlukama Vlade Kantona, na prijedlog resornog ministarstva.

Član 34.

(Korištenje sredstava s 20. razdjela Budžeta)

(1) Sredstva utvrđena za 20. razdjel člana 5. Budžeta, pozicije „Ugovorene i druge posebne usluge – za banjisko i klimatsko liječenje branilaca“ koriste se prema pravilniku koji donosi Kantonalna uprava za braniocce.

(2) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za zdravstvenu zaštitu branilaca i članova njihovih porodica“ koriste se prema pravilniku koji donosi Kantonalna uprava za braniocce.

(3) Sredstva utvrđena za isti razdjel Budžeta, pozicije „Tekući transferi pojedincima – egzistencijalna novčana naknada“, „Tekući transferi pojedincima – jednokratne novčane pomoći braniocima i članovima njihovih porodica“, „Tekući transferi pojedincima – sufinansiranje stambenog zbrinjavanja“, „Tekući transferi pojedincima – pomoć u smrtnom slučaju“, „Tekući transferi pojedincima – za nadgrobnne spomenike poginulim braniocima“, „Tekući transferi pojedincima – finansiranje ostvarivanja prava na osnovi promijenjene radne sposobnosti“ i „Tekući transferi pojedincima – za sufinansiranje nabavke ortopedskih pomagala ratnim vojnim invalidima“ koriste se prema pravilniku koji donosi Kantonalna uprava za braniocce.

(4) Sredstva utvrđena za isti razdjel Budžeta, poziciju „Tekući transferi pojedincima – stipendiranje / školovanje djece branilaca“ koriste se prema pravilniku koji donosi Kantonalna uprava za braniocce.

(5) Sredstva utvrđena za isti razdjel Budžeta, pozicije „Tekući transferi neprofitnim organizacijama – udruženjima branilaca“, „Tekući transferi neprofitnim organizacijama – za izgradnju i uređenje groblja“, „Tekući transferi neprofitnim organizacijama – za izgradnju i uređenje spomen-obilježja“, „Tekući transferi neprofitnim organizacijama za manifestacije, obilježavanje značajnih datuma i sportske aktivnosti“, „Tekući transferi neprofitnim organizacijama za izgradnju centara za psiho-socijalno liječenje branilaca“, „Tekući transferi neprofitnim organizacijama za pravnu pomoć“ i „Tekući transferi neprofitnim organizacijama za istraživanje, sređivanje, arhiviranje i objavljivanje dokumentacije iz Odbrambeno-oslobodilačkog rata“ koriste se prema programu koji donosi Vlada Kantona na prijedlog Kantonalne uprave za braniocce.

(6) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za zapošljavanje“ koriste se prema programu koji donosi Vlada Kantona na prijedlog Kantonalne uprave za braniocce.

(7) Sredstva utvrđena u stavovima (1), (2), i (3) ovoga člana koriste se na osnovu rješenja Kantonalne uprave za braniocce.

(8) Sredstva utvrđena u stavu (4) ovoga člana koriste se

na osnovu odluke Kantonalne uprave za braniocce.

(9) Sredstva utvrđena za programe iz stavova (5) i (6) ovoga člana koriste se na osnovu odluke Vlade Kantona, na prijedlog Kantonalne uprave za braniocce.

Član 35.

(Korištenje sredstava sa 23. razdjela Budžeta)

(1) Sredstva utvrđena za 23. razdjel člana 5. Budžeta, poziciju „Kapitalni transferi drugim nivoima vlasti i fondovima“ (sufinansiranje projekta Uspostava katastra nekretnina) koriste se na osnovu programa koji odobri Vlada Kantona na prijedlog Kantonalne uprave za geodetske i imovinskopravne poslove.

(2) Sredstva utvrđena za program iz stava (1) ovoga člana izdvajaju se i raspoređuju odlukom Vlade Kantona, na prijedlog Kantonalne uprave za geodetske i imovinskopravne poslove.

Član 36.

(Korištenje sredstava sa 24. razdjela Budžeta)

(1) Sredstva utvrđena za 24. razdjel člana 5. Budžeta, pozicije „Tekući transferi drugim nivoima vlasti i fondovima – za nabavku opreme za strukture civilne zaštite“, „Tekući transferi drugim nivoima vlasti i fondovima – za obuku i vježbe struktura civilne zaštite“, „Tekući transferi drugim nivoima vlasti i fondovima za preventivne mjere zaštite i spašavanja“, „Tekući transferi drugim nivoima vlasti i fondovima – za saniranje dijela šteta nastalih prirodnim i drugim nesrećama“ i „Tekući transferi drugim nivoima vlasti i fondovima – za troškove sudjelovanja u provođenju mjera zaštite i spašavanja“ koriste se prema programima koje odobri Vlada Kantona na prijedlog Kantonalne uprave za civilnu zaštitu (u daljnjem tekstu: Kantonalna uprava).

(2) Sredstva utvrđena za programe iz stava (1) ovoga člana izdvajaju se i raspoređuju odlukama Vlade Kantona, na prijedlog Kantonalne uprave.

(3) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima“ koriste se na osnovu odluke Vlade Kantona, na prijedlog Kantonalne uprave.

Odjeljak E. Programiranje trošenja budžetskih sredstava

Član 37.

(Program utroška sredstava)

(1) Budžetski korisnici obavezani su predložiti Vladi Kantona programe utroška sredstava iz članova 25., 29., 30., 31., 32., 33., 34., 35. i 36. ovoga Zakona.

(2) Bitni elementi programa iz stava (1) ovoga člana jesu: naziv programa, svrha programa, kriteriji raspodjele sredstava, iznos sredstava, izvori sredstava te način i rokovi izvještavanja.

(3) Budžetski korisnici prilikom sastavljanja programa utroška sredstava obavezni su se pridržavati odredbi Smjernica o minimalnim standardima dodijele budžetskih sredstava putem transfera i subvencija u Federaciji Bosne i Hercegovine.

(4) Sredstva iz stava (1) ovoga člana mogu se koristiti nakon što Vlada Kantona odobri i objavi programe utroška tih sredstava.

(5) O utrošenim sredstvima iz stava (1) ovoga člana, budžetski korisnici tromjesečno izvještavaju Ministarstvo finansija, a Ministarstvo finansija Vladu Kantona, u skladu sa Zakonom o budžetima u Federaciji Bosne i Hercegovine.

Član 38.

(Upravljanje budžetskim sredstvima u okviru programa utroška sredstava)

Resorna ministarstva obavezana su osigurati transparentnost i efikasnost upravljanja budžetskim sredstvima u svojim programima utroška sredstava iz članova 25., 29., 30., 31., 32., 33., 34., 35. i 36. ovoga Zakona.

Odjeljak F. Primjena računovodstvenih propisa

Član 39.

(Računovodstvo)

Svi budžetski korisnici dužni su voditi evidenciju pomoćnih knjiga u skladu s Pravilnikom o knjigovodstvu Budžeta u Federaciji Bosne i Hercegovine.

Član 40.

(Primjena propisa, priznavanje prihoda i primitaka te rashoda i izdataka)

(1) Budžetski korisnici obavezani su primjenjivati budžetsko računovodstvo i Računovodstvene politike za kantonalne budžetske korisnike i Kantonalni trezor.

(2) Prihodi i primici priznaju se samo u onom periodu kada su mjerljivi i raspoloživi odnosno kada su uplaćeni na JRT.

(3) Rashodi i izdaci priznaju se u onom periodu kada je nastala obaveza.

POGLAVLJE II. ZADUŽIVANJE I UPRAVLJANJE DUGOM, GARANCIJAMA I FINANSIJSKOM IMOVINOM

Član 41.

(Zaduživanje)

(1) Srednjobosanski kanton (u daljnjem tekstu: Kanton) može stvoriti obaveze na osnovu dugoročnog zaduživanja, ako u vrijeme dugoročnog zaduženja iznos servisiranja duga za ukupni vanjski i unutrašnji dug i garancije, koji dopijeva u svakoj sljedećoj godini, uključujući i servisiranje za predloženo novo zaduženje i sve zajmove za koje su izdate garancije Kantona, ne prelazi 10% prihoda ostvarenih u prethodnoj fiskalnoj godini i u okvirima ukupnih ograničenja u skladu s procedurom definisanom u stavu 5. člana 7. Zakona o dugu, zaduživanju i garancijama u Federaciji Bosne i Hercegovine.

(2) Za provođenje procedure zaduživanja nadležno je Ministarstvo finansija.

Član 42.

(Finansiranje deficita iz gotovinskog toka)

(1) Kratkoročni dug nastao zaduženjem radi privremenog finansiranja deficita nastalog iz gotovinskog toka otplaćuje se u periodu od jedne godine i ni u jednom periodu tokom fiskalne godine ne može prijeći 5% ostvarenih prihoda, bez primitaka, u prethodnoj fiskalnoj godini.

(2) U vanrednim okolnostima, visinu sredstava za finansiranje deficita nastalog iz gotovinskog toka, a koji ugrožava funkcionisanje finansijskoga sistema u Kantonu, odobrava Skupština Kantona na prijedlog Vlade Kantona.

Član 43.

(Izdavanje garancija)

Kanton može izdati garanciju za finansiranje kapitalne investicije samo pod uslovom da u tom društvu ili toj pravnom licu Kanton ima odlučujući utjecaj na upravljanje na osnovu strukture vlasničkog kapitala.

Član 44.

(Pozajmice iz namjenskih sredstava)

(1) Kanton može, u svrhu rješavanja privremenog deficita nastalog iz gotovinskog toka, pozajmljivati iz namjenskih sredstava koja se nalaze na područjima.

(2) Odluku o pozajmici donosi Vlada Kantona na prijedlog Ministarstva finansija.

Član 45.

(Odluke o dugu, garancijama i zajmovima)

(1) Odluku o zaduživanju i davanju garancija donosi Skupština Kantona na prijedlog Vlade Kantona.

(2) O obliku zajma i vrsti instrumenata osiguranja otplate zajma odlučuje Vlada Kantona.

(3) Odluke o dugu, jamstvima i zajmovima objavljuju se u „Službenim novinama Srednjobosanskog kantona”.

Član 46.

(Upravljanje dugom)

(1) Za upravljanje dugom Kantona nadležno je Ministarstvo finansija.

(2) Ministarstvo finansija uspostavlja i vodi Evidenciju o unutrašnjem i vanjskom dugu i izdanim garancijama, u skladu s federalnim propisom.

POGLAVLJE III. UPRAVLJANJE NEFINANSIJSKOM IMOVINOM

Član 47.

(Upravljanje imovinom)

(1) Budžetski korisnik koji nabavlja nekretninu za potrebe rada kantonalnih organa uprave i kantonalnih upravnih organizacija obavezan je u roku od 30 dana od dana

nabavke podnijeti zahtjev, s potrebnom dokumentacijom, Kantonalnom pravobranilaštvu (u daljnjem tekstu: Pravobranilaštvo) radi podnošenja prijedloga za upis nekretnine u zemljišne knjige.

(2) Pravobranilaštvo će sastaviti zemljišnoknjižni prijedlog i podnijeti ga nadležnom sudu radi upisa nekretnine u zemljišne knjige.

(3) Budžetski korisnik dužan je u roku 30 dana od dana dobivanja dokaza o upisu u zemljišne knjige, Trezoru dostaviti taj dokaz radi evidentiranja u Glavnoj knjizi Trezora.

Član 48.

(Upis i evidentiranje nekretnina u Glavnu knjigu Trezora)

(1) Prilikom stjecanja nekretnine bez naknade, Pravobranilaštvo podnosi zemljišnoknjižni prijedlog za upis nekretnine, prema prethodno dobivenoj saglasnosti Vlade Kantona.

(2) Ovlašteno lice nosioca stečenoga prava na nekretninu iz stava (1) ovoga člana ili lice koje ono ovlasti dužno je, u roku od 30 dana od dana dobivanja dokaza o upisu nekretnine iz stava (1) ovoga člana u zemljišne knjige, Trezoru dostaviti taj dokaz radi evidentiranja u Glavnoj knjizi Trezora.

Član 49.

(Vođenje evidencije o imovini)

(1) Ako se sredstva Budžeta koriste za sanaciju, dokapitalizaciju ili kao udio u sredstvima pravnog lica, Kanton postaje vlasnikom u toj pravnom licu srazmjerno uloženim sredstvima.

(2) Imovinu iz vlasništva Kantona iz stava (1) ovoga člana upisuje njezin korisnik u svoju evidenciju, a pravno lice upisuje Kanton kao vlasnika srazmjernog dijela kapitala.

(3) Evidenciju o imovini i vlasničkim udjelima iz stavova (1) i (2) ovoga člana vodi budžetski korisnik, a nalog, s odgovarajućom dokumentacijom, dostavlja Trezoru radi finansijske evidencije imovine u Glavnoj knjizi Trezora.

POGLAVLJE IV. FINANSIJSKO IZVJEŠTAVANJE I TRANSPARENTNOST

Član 50.

(Finansijsko izvještavanje)

Na finansijske izvještaje o izvršavanju Budžeta primjenjuju se odredbe članova 89. do

98. Zakona o budžetima u Federaciji Bosne i Hercegovine.

Član 51.

(Transparentnost i javnost)

(1) Radi osiguranja transparentnosti, u Budžetu se prikazuju svi javni prihodi i rashodi, ukupni i po budžetskim korisnicima, po računima računskoga plana.

(2) Radi izvještavanja javnosti o upravljanju javnim prihodima, periodični i godišnji izvještaji o izvršenju

Budžeta objavljivat će se na službenoj stranici Vlade Kantona u roku od 10 dana od dana njihova podnošenja.

POGLAVLJE V. BUDŽETSKI NADZOR, KONTROLA I UNUTRAŠNJA REVIZIJA

Član 52.

(Budžetski nadzor)

Nadzor nad zakonitosti, blagovremenosti i namjenskim korištenjem sredstava iz Budžeta provodi budžetski inspektor na način utvrđen Zakonom o budžetima u Federacije Bosne i Hercegovine i Uredbom o budžetskom nadzoru u Federaciji Bosne i Hercegovine.

Član 53.

(Unutrašnja kontrola)

Budžetski korisnici obavezani su urediti sistem unutrašnje kontrole u skladu s međunarodnim standardima unutrašnje kontrole i Zakonom o finansijskom upravljanju i kontroli u javnom sektoru u Federaciji Bosne i Hercegovine.

Član 54.

(Unutrašnja revizija)

Pregled i procjenu djelotvornosti sistema finansijskoga upravljanja i unutrašnjih kontrola Ministarstvo finansija provodi preko unutrašnje revizije, u skladu sa Zakonom o unutrašnjoj reviziji u javnom sektoru u Federaciji Bosne i Hercegovine („Službene novine Federacije Bosne i Hercegovine”, broj: 47/08 i 101/16) i Pravilnikom o unutrašnjoj reviziji Ministarstva finansija Srednjobosanskog kantona.

Član 55.

(Revizijski izvještaj)

O obavljenoj reviziji, preporukama danim za poboljšanje rada i poslovanja te o praćenju provedbe preporuka, ministar finansija izvještava Vladu Kantona.

DIO TREĆI – KAZNENE I ZAVRŠNE ODREDBE

Član 56.

(Kazne)

Odgovorno lice budžetskog korisnika kaznit će se za prekršaj koji napravi, u skladu s odredbama članova 102. i 103. Zakona o budžetima u Federaciji Bosne i Hercegovine.

Član 57.

(Primjena Zakona)

Ako drugi zakoni i propisi sadrže odredbe o načinu izvršavanja Budžeta te o pravima i obavezama korisnika budžetskih sredstava koje su u suprotnosti s ovim Zakonom, primjenjuju se odredbe ovoga Zakona.

Član 58.

(Stupanje na snagu)

Ovaj Zakon stupa na snagu sljedećega dana od dana objave u „Službenim novinama Srednjobosanskog kantona“, a primjenjivat će se za fiskalnu 2024. godinu.

Broj: 01-02-1269/23 PREDSJEDAVAJUĆI SKUPŠTINE
19. decembra 2023.

Travnik Dražen Matišić, s. r.

5

Na osnovu člana 41. Ustava Srednjobosanskog kantona („Službene novine Srednjobosanskog kantona“, broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04) te stavova 2. i 7. člana 27. i člana 28. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14 – ispravka teksta, 13/14 i 8/15, 91/15, 102/15, 104/16 i 5/18, 11/19, 99/19 i 25a/22), Skupština Srednjobosanskog kantona na IX. Sjednici, održanoj 19. decembra 2023. godine, donosi

**ODLUKU
O DAVANJU SAGLASNOSTI
NA ODLUKU O USVAJANJU
FINANSIJSKOG PLANA
SLUŽBE ZA ZAPOSŁJAVANJE
SREDNJOBOSANSKOG KANTONA
ZA 2024.GODINU**

I.

Daje se saglasnost na Odluku o usvajanju Finansijskog plana Službe za zapošljavanje Srednjobosanskog kantona za 2024. godinu, broj 01-02-31/23 od 3. oktobra 2023. godine.

II.

Odluka o usvajanju Finansijskog plana Službe za zapošljavanje Srednjobosanskog kantona za 2024. godinu sastavni je dio ove Odluke.

III.

Ova Odluka stupa na snagu danom donošenja, a objavit će se u „Službenim novinama Srednjobosanskog kantona“ te će se dostaviti Vladi Srednjobosanskog kantona i Službi za zapošljavanje Srednjobosanskog kantona.

Broj: 01-02-1273/23 PREDSJEDAVAJUĆI SKUPŠTINE
19. decembra 2023.

Travnik Dražen Matišić, s. r.